

ხელშეკრულება სახელმწიფო შესყიდვის შესახებ #

(წინამდებარე ხელშეკრულება დეტალურად დაზუსტდება მიმწოდებლის
სატენდერო წინადადების შესაბამისად)

ქ. თბილისი

„____“ _____ 2019 წ.

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) – „სახელმწიფო შესყიდვების შესახებ“ საქართველოს კანონის საფუძველზე, შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების დამდები მხარეები წინამდებარე

ხელშეკრულება დადებულია:

ერთის მხრივ **სოფლის მეურნეობის სამეცნიერო კვლევით ცენტრსა** (შემდგომში „შემსყიდველი“)

მდებარე ქ. თბილისი, მარშალ გელოვანის გამზ #6

და მეორეს მხრივ _____ (შემდგომში „მიმწოდებელი“) შორის. მდებარე

3. ხელშეკრულების საგანი

3.1. ხელშეკრულების საგანს წარმოადგენს „სსიპ სოფლის მეურნეობის სამეცნიერო-კვლევითი ცენტრის სარგებლობაში მყოფ მიწის ნაკვეთზე (ს/კ 72.04.05.221) მცხეთაში სოფელ ჯიდაურაში შენობის „მევენახეობის და ყურძნისეული პროდუქტების სამეცნიერო-კვლევითი სივრცე“ სამშენებლო სამუშაოების შესყიდვის მიზნით (CPV კოდი: 45200000;; 45214000) შესყიდვა ელექტრონული ტენდერის საშუალებით (სატენდერო განცხადების #_____).

3.2 განსახორციელებელი სამუშაოები მოცემულია დანართში №1 (ხარჯთაღრიცხვა), რომელიც თან ერთვის წინამდებარე ხელშეკრულებას და მის განუყოფელ ნაწილს წარმოადგენს.

4. ხელშეკრულების ღირებულება

4.1. განსახორციელებელი სამუშაოების საერთო ღირებულება შეადგენს _____ ლარს საქართველოს კანონმდებლობით დადგენილი შესაბამისი გადასახადების გათვალისწინებით.

5. მხარეთა უფლება-მოვალეობანი

5.1 მიმწოდებელი ვალდებულია:

5.1.1. ხელშეკრულებით გათვალისწინებული სამუშაოები შეასრულოს მისთვის გადაცემული სამშენებლო-

საპროექტო დოკუმენტაციის მიხედვით.

5.1.2 უზრუნველყოს წინამდებარე ხელშეკრულებით გათვალისწინებული სამუშაოების დასრულება გეგმა-გრაფიკის და ხარჯთაღრიცხვის მიხედვით, ხელშეკრულების გაფორმების დღიდან არაუგვიანეს 10 თვის განმავლობაში.

5.1.3 მუშაობის პროცესში სამუშაოები შეასრულოს საქართველოში მოქმედი კანონმდებლობის მოთხოვნების დაცვით.

5.1.4 საჭიროების შემთხვევაში ინსპექტირების განხორციელებისას ხელი შეუწყოს შემსყიდველს, რათა ინსპექტირება განხორციელოს დროულად და შეუფერხებლად.

5.1.5 სამუშაოების შესულების პროცესში მინიმუმამდე უნდა დაიყვანოს მუშაობით გამოწვეული ხმაურის, ვიბრაციის გავლენა და უზრუნველყოს უსაფრთხოების წესების დაცვა, მათ შორის სამსენებლო მოედანზე უსაფრთხოების ღობის შემოვლება.

5.1.6 საკუთარი ხარჯებით უზრუნველყოს სამშენებლო ფართისა და მიმდებარე ტერიტორიის დასუფთავება, ნარჩენების, სამშენებლო ნაგვის მოგროვება და ტერიტორიიდან გატანა.

5.1.7 სამშენებლო სამუშაოების მიმდინარეობის პროცესი უზრუნველყოს საჭირო რესურსით (მათ შორის ადამიანური რესურსით, მასალით, მოწყობილობებით და ტექნიკით).

5.1.8 მიმწოდებელმა უნდა უზრუნველყოს მშენებლობასთან დაკავშირებული კომუნალური გადასახადების გადახდა.

5.2 შემსყიდველი ორგანიზაცია ვალდებულია:

5.2.1. უზრუნველყოს შესრულებული სამუშაოს ინსპექტირება და დადებითი შეფასების შემთხვევაში მისი მიღება.

5.2.2 შემსყიდველი ვალდებულია უზრუნველყოს შესაბამისი ანგარიშსწორება ამ ხელშეკრულებით გათვალისწინებული პირობებით და ოდენობით.

5.2.3 განახორციელოს ამ ხელშეკრულებით მასზე დაკისრებული სხვა ვალდებულებები.

6. სამუშაოების მიღება-ჩაბარების წესი

6.1. სამუშაო განხორციელებულად (დასრულებულად) ჩაითვლება მხარეთა უფლებამოსილი პირების მიერ შესაბამისი “მიღება- ჩაბარების” აქტის გაფორმების შემდეგ.

7. ხელშეკრულების შესრულების კონტროლი

7.1 შემსყიდველს ან მის წარმომადგენელს (მათ შორის მესამე პირის მეშვეობით) უფლება აქვს ხელშეკრულების შესრულების ნებისმიერ ეტაპზე, მათ შორის საგარანტიო პერიოდში, განახორციელოს მიმწოდებლის მიერ ნაკისრი ვალდებულებების შესრულებული სამუშაოების ხარისხის პერიოდული კონტროლი.

7.2 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნით შესრულებული სამუშაო, მიმწოდებელი ვალდებულია შემსყიდველის წერილობითი შეტყობინებით დადგენილ ვადებში გამოასწოროს წუნი, ან თუ მიმწოდებელი ვერ შეძლებს წუნის გამოსწორებას და შემსყიდველს გადახდილი აქვს ამ წუნდებული სამუშაოს ღირებულება, მიმწოდებელი ვალდებულია მოახდინოს წუნდებული სამუშაოს ღირებულების დაბრუნება.

7.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის

(ინსპექტირების) ჩატარებისთვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მისი შრომის ანაზღაურებას უზრუნველყოფს თვით შემსყიდველი.

7.4 მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განხორციელებს და შესაბამის მიღება-ჩაბარების აქტზე ხელმოწერას უზრუნველყოფს ინსპექტირების ჯგუფი.

8. განხორციელებული სამუშაოების ხარისხი და გარანტია

8.1. შესრულებული სამუშაოებზე, გამოყენებული მასალებზე და დამონტაჟებული მოწყობილობებზე მიმწოდებლის მხრიდან უნდა ვრცელდებოდეს საგარანტიო ვადა საბოლოო მიღება-ჩაბარების აქტის გაფორმების დღიდან არანაკლებ 10 (ათი) წელი.

8.2 შესრულებული სამუშაოების ხარისხის უზრუნველყოფის მიზნით, საბოლოო მიღება-ჩაბარების აქტის გაფორმებისას, მიმწოდებელი ვალდებულია შემსყიდველს წარმოუდგინოს ხარისხის უზრუნველყოფის საბანკო დაწესებულების მიერ გაცემული საბანკო გარანტია, შესრულებული სამუშაოების ჯამური ღირებულების 3% ის ოდენობით, რომლის მოქმედების ვადა საბოლოო მიღება-ჩაბარების აქტის გაფორმებიდან უნდა შეადგენდეს არანაკლებ 1 წელს. აღნიშნული გარანტია გამოიყენება შესრულებულ სამუშაოებზე გამოვლენილი ნებისმიერ ნაკლის, ხარვეზის და დეფექტის აღმოფხვრის უზრუნველყოფის მიზნით; გარანტია უნდა იყოს გაცემული საქართველოში აკრედიტირებული ბანკის მიერ.

8.3 საგარანტიო მომსახურება უნდა ვრცელდებოდეს საგარანტიო პერიოდში ნებისმიერი ხარვეზისა და დეფექტის აღმოფხვრაზე (შეკეთება/შეცვლა ახლით) გარდა შემსყიდველის მხრიდან გაუფრთხილებლობით გამოწვეული მექანიკური დაზიანებისა.

9. ანგარიშსწორება

9.1 ანგარიშსწორება მიმწოდებელთან განხორციელდება ლარებში.

9.2 დასაშვებია ეტაპობრივი ანგარიშსწორება;

9.3. ანგარიშსწორება განხორციელდება ფაქტიურად შესრულებულ სამუშაოებზე შესაბამისი მიღება-ჩაბარების აქტ(ებ)ის გაფორმებისა და საგადასახადო ანგარიშ-ფაქტურის (კანონმდებლობით დადგენილ შემთხვევაში) წარმოდგენის შემდეგ.

9.4 ანგარიშსწორების ფორმა იქნება უნაღდო. გადარიცხვა მოხდება მიმწოდებლის საბანკო ანგარიშზე.

9.5. ეტაპობრივი ანგარიშსწორება განხორციელდება 2019 წლის 01 დეკემბრამდე შესრულებული სამუშაოების და სატენდერო წინადადებით დადგენილი შესაბამისი მიღება-ჩაბარების აქტების გაფორმების შემდეგ. სახელშეკრულებო თანხიდან დარჩენილი თანხის გადახდა მოხდება 2019 წლის დეკემბრის თვეში ავანსის სახით, რაზედაც მიმწოდებელი ვალდებულია 2019 წლის 20 დეკემბრამდე წარმოადგინოს წინასწარი ანგარიშსწორების საბანკო გარანტია, რომელიც გაცემული უნდა იყოს საქართველოში აკრედიტებული საბანკო დაწესებულების მიერ და მისი მოქმედების ვადა უნდა აღემატებოდეს ხელშეკრულების მოქმედების ვადას არანაკლებ 30 კალენდარულ დღით.

9.6 ავანსის სახით გადარიცხული თანხების გაქვითვა განხორციელდება მხარეთა შორის გაფორმებული მიღება-ჩაბარების აქტ(ებ)ისა და ფორმა #2-ის საუძველზე. 10. ფასები

10.1. წინამდებარე ხელშეკრულების მე-4 მუხლში დაფიქსირებული ფასი წარმოადგენს ხელშეკრულების ღირებულებით პარამეტრს, რომლის გაზრდა დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

11. ხელშეკრულებაში ცვლილებების შეტანა

11.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. უფლებების გადაცემა

12.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

13. ფორს-მაჟორი

13.1. ხელშეკრულების პირობების ან რომელიმე მათგანის მოქმედების შეჩერება ფორს- მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას. 13.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული

შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით დასხვა.

13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

14. მხარეთა პასუხისმგებლობა ხელშეკრულების პირობების დარღვევისათვის

14.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მხარეები პასუხს აგებენ საქართველოს მოქმედი კანონმდებლობის შესაბამისად.

14.2. ხელშეკრულებით ნაკისრი ვალდებულებების ვადაგადაცილებით შესრულების შემთხვევაში მიმწოდებელს დაეკისრება პირგასამტეხლოს გადახდა - ხელშეკრულების ღირებულების 0.02%-ის ოდენობით ყოველ ვადაგადაცილებულ დღეზე.

14.4. ხელშეკრულების პირობების შეუსრულებლობისათვის მიმწოდებელს დაეკისრება პირგასამტეხლო ხელშეკრულების ღირებულების 10 % - ის ოდენობით.

14.5. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

15. ხელშეკრულების შეწყვეტა

15.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

15.2. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ 5 დღით ადრე.

15.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

15.4. ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

15.5. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) თუ მიმწოდებლის მხრიდან ადგილი ექნება მის მიერ ნაკისრი ვალდებულებების შეუსრულებლობას ან არაჯეროვნად შესრულებას

გ) საქართველოს კანონმდებლობით გათვალისწინებულ სხვა შემთხვევებში.

15.6. ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მოწოდებული საქონლის ღირებულება.

16. დავების გადაწყვეტის წესი

16.1. ხელშეკრულების დამდები მხარეები თანხმდებიან მასზედ, რომ მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

16.2. თუ შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

17. ინტერესთა კონფლიქტი

17.1 შემსყიდველი ორგანიზაციის მხრიდან წინამდებარე სახელმწიფო შესყიდვის შესახებ ხელშეკრულებაზე ხელმოწერი პირი, ასევე ვიზების დამდები პირები ვადასტურებთ, რომ „სახელმწიფო შესყიდვების შესახებ“ კანონის მე-8 მუხლის თანახმად არ ვიმყოფებით ინტერესთა კონფლიქტში აღნიშნულ მიმწოდებელთან.

18. სხვა პირობები

18.1. წინამდებარე ხელშეკრულება ძალაშია ხელმოწერის დღიდან და მოქმედებს ____ წლის _____ ჩათვლით.

18.2. ხელშეკრულება შედგენილია ქართულ ენაზე სამ ეგზემპლარად, სამივეს ააქვს თანაბარი იურიდიული ძალა, რომლის ერთი ეგზემპლიარი ინახება მიმწოდებელთან, ხოლო ორი ეგზემპლიარი შემსყიდველთან.

შემსყიდველი:

მიმწოდებელი:

